



UNIVERSITÄTS-
BIBLIOTHEK
PADERBORN

Universitätsbibliothek Paderborn

**R. P. Richardi Arsdekin Soc. Jesu Sac. Theol. Professoris.
Theologia Universa**

Archdekin, Richard

Dilingae, 1687

Caput I. De Præcepto Confessionis.

urn:nbn:de:hbz:466:1-38477

TRACTATUS TERTIUS DE CONFESSIO N E, ET SATISFACTIONE IN SACRAMENTO POENITENTIAE.

SYMMVL A: Post hæc sequitur singulariter, de Indulgentiis, & Jubilæis, ac Decreto Innocentius XI. Indulgentiis abrogatis & subrogatis: specialiter de Indulgentiis Missionum: & accurata Pro Hereticos reconciliandi Ecclesia, Professionis Fidei, &c.

CAPUT I.

De Praecepto Confessionis.

Confessio Sacramentalis est peccatoris accusatio secreta de suis peccatis, coram Sacerdote proprio, ut ab eo Christi nomine absolvatur.

II. Questio hic est, An Confessio Sacramentalis præcepta sit jure divino, an Ecclesiastico, quinam, & quo tempore ad eam obligentur.

III. Dico primò, Confessio peccatorum præcepta est jure divino. Probatur ex verbis Christi *Ioan. 20. Quorum remiseritis peccata remittuntur eis, & quorum retinueritis recentia sunt: ex quibus confitendi præceptum colligit Trident. Sess. 14. Can. 5.*

Dices, verba Christi tantum conferunt potestatem absolvendi, nullam verò memorant aut imponunt obligationem confitendi. Respondeo, hoc ipso quo tribuunt Sacerdoti tamquam Judici in foro conscientiae potestatem non tantum absolvendi, sed etiam retinendi de peccata, imponere simul præceptum Confessionis, sine qua ea potestas exerceri non possit, cum nequeat Judex ferre sententiam sine causæ cognitione.

IV. Hoc Præceptum non obligat lapsed in mortale ut prima opportunitate confiteatur. Ratio, quia præceptum confitendi est affirmativum, quod pro omni tempore non obligat, ut fit in præcepto negativo.

V. Incumbit tamen peccatori præceptum divinum Confessio Sacramentalis in articulo mortis: immo in gravi eius periculo v.gr. in difficulti partu, in periculo so morbo, prælio, &c. Ratio est, quia peccator in tali casu exponeret se probabili periculo numquam explendi præceptum confitendi, quod lapsus in peccatum mortale à Christo impositum est.

VI. Dico secundò, Ex præcepto Ecclesiae omnes Christi fideles postquam ad annos discretionis pervernerunt, tenentur omnia mortalia saltem semel in anno confiteri. Probatur ex Concil. Lateranensi sub Innocentio III. ubi disertè præcipitur annua Confessio, quam Christus per se ad certum temporis spatium non determinaverat.

Ab hoc præcepto non excusantur impuberes, id est, qui septimum annum nondum attigerunt, si verè advertant se mortale peccatum admisisse: nam illa adversio per se satis indicat ipsos ad annos discretionis pervernessi. Hujus rei exemplum extat apud S. Gregorium de

puero quinquenni, qui in blasphemis mortuus, ac postea damnatus fuit.

VII. Quod si Confessarius ad vertar puerum nondum fatis assicurum esse usum rationis ad discernendam peccati malitiam, datâ tantum Crucis benedictione dimittat. Si tamen de ejus capacitate dubitet, posse eum sub conditione absolvere; immo id facere debet, i.e. cum in articulo mortis constitutum inventiat. *Dian. Laym. Lugo Diff. 15. Sess. 7.* Quia tunc pro salute animæ irreparabili viam tutiorem eligere oportet in administratione Sacramenti.

VIII. Dico tertio, Tempus annuæ Confessionis intuendere computari solet ordinariè à Paschate ad proximum Pascha, propter Communione paschalem non occurrentem: ita ut lapsus in mortale post paschalem Confessionem non teneatur, saltem ex præcepto Ecclesiae, ante sequens Pascha confiteri. Constat hoc ex præcepto Ecclesiae, quæ non solet a fidelibus amplius exigere, pud *Suar. Vafg. Coninc. d. s. du. 6.*

IX. Verum, qui intra annum v.g. in ultimo Paschae confessus non fuit, tenetur postea proxima opportunitate confiteri, uti probabilius docet *Suar. Vafg. Laym. Contra. Sylv. Laym. Dian. Ratio*, quia tempus publici non constituitur tamquam terminus ad obligationem finiendam, sed ad eam magis urgendam, ut finimmo statuto pro solutione debiti, aut census anni.

X. Hinc, qui prævidet sibi in proximo Paschae-pedimentum confitendi obvenientum, tenetur Confessionem anticipare; cum præceptum illud extra Pascha absoluere possit impleri. *Laym. Bui. Lugo Diff. 15. Sess. 7.*

XI. Si quis, qui tantum post Pascha confiteretur, foliavinalia exposuerit, & postea in decursu anni incidat in mortale, ad aliam Confessionem ex præcepto obligatur. Quia Ecclesia præcipit ut Fideles quolibet anno peccata mortalia semel confiteantur, si in ea incident, quod in dicto casu sine nova Confessione factum fuisset.

Unde etiam pater, hoc Confessionis annuæ præcepto non comprehendit eum, qui toto anno sola ventila admisit; uti agnoscat cum aliis *Scorsu apud P. Terilo de conse. probab. quæst. 22. p. 360.* Cum tamen is præceptum Communione paschalis ex parte teneatur, consumtum est ut ante illam se Sacerdoti de more sitat.

XII. Non satisfacit huic præcepto, quinovit se invide absque debita dispositione Confessionem infra-

tuisse. Ecclesia enim præcipit susceptionem Sacra-
menti Pœnitentia, talis autem confessio & Absolu-
tio cum sit invalida, non est Sacramentum. Suarez,
Loy. Lugo. Contrarium tamen probabile putat
Iagund. & Diana p. 3, t. 4 Ref. 120. quod tamen ad-
mitendum non est, quia non consultum cum Decreto
Alexandri VII. prohibente Prop. 13. *Qui facit confessio-*
nem voluntarie nullam satisfacit præcepto Ecclesiæ.

QUÆRITUR Primo, pro Missionariis inter ha-
renicos. An illi qui ab heresi convertuntur, in prima
confessione exprimere debeant, quod non explave-
nent præceptum annuae confessionis paschalis? Cer-
tum enim est hereticos, cum sint baptizati, Ecclesiæ
præceptis subjacere.

Respondeo negativè. Quia dum confitentes se,
eoque vixisse in heresi, sufficenter exponunt se illi
Ecclesiæ præcepta tanto tempore non observasse.
Scut qui confitetur se v.g. duobus annis vixisse in con-
tinua fornicatione, non debet exprimere tactus ve-
nerios, & alia, qua solent communiter fornicationem
comitari.

Sed *Queritur secundo*, quid si singulare contempsu-
& ludibrio hac Sacramenta, aut Ecclesiæ præcepta
infestati fuerint, & alios ab iis explendi abstraxerint?

Respondeo, hæc peccata distinctè confitenda,
quantum fieri potest. Quia illa non sunt omnibus
hereticis communia, adeoque in heresi ut sic non ita
involuntur, ut hac exposita, illa etiam intelligantur
in Confessione explicari.

C A P U T II.

De Integritate Confessionis.

§. I.

Qualis, & quando requiratur?

Integritatem Confessionis requirit, & describit
Trid. Sess. 14. cap. 5. sicut in eo, ut postquam di-
ligenter te excusleris, & conscientia tua sinus & la-
tebras exploraveris, confitearis omnia mortalia me-
morie occurrantia, nondum confessa, eorumque
numerum, & circumstantias saltem quæ speciem muta-
tant. Ratio additur, quia sine distincta peccato-
rum cognitione non potest Confessarius judicium Sa-
cramentale debitè exercere, neque pro mensura deli-
ctorum pœnitentiam idoneam imponere.

II. Integritas Confessionis alia est *Materialis*,
quando pœnitens omnia mortalia secundum nume-
rū & speciem confitetur: & hæc integritas non est
ita necessaria, quin pœnitens aliquo casu ab ea pos-
sit excusari. Integritas alia est, *Formalis*, quando pœ-
nitens omnia mortalia quantum hic, & nunc potest ac-
tenuerit, in confessione exponit, eti contingat aliqua
eleomisa: & ab hac integritate Formali pœnitens
nunquam excusat.

III. Qui ob justum impedimentum aut oblivionem
peccatum aliquid in confessione prætermisit, tenetur
celsum impeditio illud explicare. Quia hujus Sa-
cramenti institutio requirit ut in eo omnia mortalia se-
mel directè clavibus subjiciantur: est communis Theolo-
gerum.

IV. Qui aliquo casu, vel morbo, lingue usu desti-
nuitur, absolvit debet si nru, aliote signo absolutio-
nem postulavit, aut dolorem de peccatis ostendit.
Quia tale signum est confessio peccatorum saltem in
generi, à præcepto autem confessionis integræ ac-

R. P. Arfdekk. Tom. II.

distinctæ necessitas excusat. Quod etiam verum est,
etiam si signum illud absente Sacerdote editum fuisset,
& postea præsentibus aliis renunciatum: ista Theol. com-
muniter.

V. Sed quid si moribundus, superveniente Confes-
satio, nullum signum dederit, aut dare possit? Respon-
deo, etiæ communior opinio affterat sic absolvit non
posse; probabile tamen, adeoque hic in praxi fe-
quendam esse sententiam, qua docet talem sub condi-
tione absolvendum esse, dummodò solitus fuerit
aliæ *Christiano* more vivere, & Sacramenta frequenta-
re. Ratio est, quia per tales actus vitæ Christianæ
sufficienter est indicat fe etiam in mortis articulo pœ-
nitentia Sacramentum postulare, hæc autem postula-
tio, externa quedam confessio est: Et hanc tenet
sententiam *Homob. Mollesius Tambur. Phill. Ser-
vius*, & modò plurimi passim Theologici recentiores.

VI. Diligens conscientia examen ante Confessio-
nem requiritur: diligentia autem quantitas moraliter
estimanda est pro variis circumstantiis. Unde mi-
norem adhibere potestile, qui frequenter confitetur,
quam qui rarius. Si quis verò post talem diligentiam
adhibitat, memoriam non habet commissi peccati
mortalis, ritè confitetur, modo scienter nullum ex
reliquis reticeat.

VII. Qui non in specie, sed solum in genere recor-
datur, se mortaliter peccasse, hoc ipsum in confessio-
ne explicare debet, cum hæc sit sufficiens, immo necessa-
ria materia Sacramenti.

Sed *Quasiō* est, An qui sic tantum in genere con-
fessus est, teneatur postea, si recordetur, declarare dis-
tinctum numerum & speciem peccatorum mortaliū,
quam in aliis confessionibus determinatè non expref-
fit, sed tantum confusè & genericè: Responder Leander
Part. 1. de Sacramentis pag. 148. probabiliter pœ-
nitentem illum ad hoc non tenet, & in eandem sen-
tentiam adducit *Card. de Lugo de Pœnit. Disp. 16. num.
577.* & ante illum *Fabium* in suo *Scrutinio Sacerd.*
Tract. 4. pag. 499. Rustici, inquit, qui bona fide con-
fessi sunt Curato non debite interroganti, satisfec-
runt præcepto confessionis, nec tenentur iterum con-
fiteri ipsi peccata. Ratio eorum est, quia peccata
illa jam prius, saltem confusè fuerunt directè sub-
iecta clavibus, adeoque directè remissa, ergo non est
obligatio ea postea magis distinctè confitendi.

Sed contrarium videtur tenendum cum *Navarro*
& *communi* aliorum sententia; Quia etiæ peccata illa
directè remissa fuere, nondum tamen expleum est
præceptum exponendi distinctè speciem & numerum
cognitum peccatorum mortaliū: quod *Navarrus* ait
scriptum esse non solum lege humana in Cap. *Omnis*
de Pœnit. & *Remiss.* sed etiam *Divinā* & *Evangelicā*,
confirmata à *S. Thomas* & aliis, & declarata in Conc.
Tridentino Sess. 14. de Pœnit. Can. 7.

VIII. Extra mortis periculum, nunquam absolvit
debet qui de nullo peccato in specie se accusat: si quis
autem tam sit rudis, ut ab eo Confessarius ne veniale
quidem in specie extorquere possit, dimittendus est
fine absolutione donec intruatur, juxta proximam com-
munem bonorum Confessoriorum.

IX. Si pœnitens inchoatam Confessionem coram
Sacerdote perficere non possit, interdum absolvit de-
bet, V. C. si propter ignotum idioma non omnia pos-
sit explicare, aut si in phrenēsum incidat. Tenetur
tamen postea si possit omisa mortalia exponere.

X X. Tem-